

84
М12

Проф. В. МАВРОДИН

ПЁТР
ПЕРВЫЙ

12/1



КОМИПЕРМГИЗ 1946 КУДЫМКАР

Проф. В. МАВРОДИН

ПЁТР ПЕРВЫЙ

КОМИПЕРМГИЗ 1946 КУДЫМКАР

Перевод З. В. Распоповой
Редактор Н. А. Спорова

Техредактор Ф. С. Яркова
Корректор З. А. Тетюева

Сдано в набор 2/III-46 г. Подписано к печати 25/III-46 г.
Формат бумаги 60×92¹/₃₂. Печатных листов 1¹/₈.
Уч.-изд. листов 1,2. В 1 печ. листе 44000 тип. зн.
ЛБ 18610. Заказ № 434. Тираж 1000.

г. Кудымкар. Типография Молотовского Областного
Управления издательств и полиграфии.

Кёр мийё байтам Русской мулён „чудо-богатырь“ йылісі, солдат и генералиссимус Александр Васильевич Суворов йылісі, великой русской полководец Кутузов йылісі, то невольной усьё тёдвылёр, что героической русской войскоэз, кёдиңи командуйтісөн нія, волісө детищеон Пётр Великийлён—постоянной русской армия основательлён.

Пётр I зоротіс русской военной искусство, кёда унаён одзалис сәкся европейской искусствосө.

Эта „действительно великой морт“ (Энгельс) адззис косность и рутина, кёдаын войис сәкся отсталой Московской Русь, сія адззис сылісін военной слабость. Не дворянской ополченне, не стрелеццеz, не пушкарrez, не немногочисленной солдатской да драгунской полккез, кёдна волісө Московской государствоын Пётр I царствуйтын пондётчикö, эз вермё песссыны море дынё петём понда, мый обязательно коліс Россиялёр,—этё бура вежортіс том царь. И Пётр быдёс ассис исключительной энергиясө иньдётіс дело вылёр, кёдё лыддис основнойон.

да решающёйён,—армия реорганизуйтём вылёт, сейб совремённой вооруженнёй снабжайтём вылёт, сылісь материальней часть да обмундированнё бурсьётём вылёт.

„Көр Пётр Великий,—гижис ёрт Сталин,— нүйтіс дело Западісь развитойжык странаэзкот, лихорадочноя строитіс заводдэз да фабрикаэз армияёс снабжайтём понда и страналісь оборона ёнмётём понда, то эта волі своеобразнёй попытка петны отсталость рамкаэзісь“.¹

Пётр I вежбртіс, кытшом задачаэз сулалёны страна одзын, и уна керис сы понда, медбы Московской Русьсö портны великой да вына европейской державаоб.

Пётрын одз саймис воин и полководец. Воробьево, Коломенской, Преображенской... Эна подмосковпой царской посаддэзыи чулалісб Пётрлён отрочество и юность. Татён Пётр, кёда волі гёгортёма сыкот отік годся дворовой зоночкаэзён, чулотё военной „потехаэз“ (играэз), и „дворцовой челядись“ формируйтчоны первой „потешной“ полккез—одланься русской гвардия. Царь Пётр орсіс, и не ачыс сія, не кін-либо мёдік сылён матісsez эзё и думайтё сія кадё, мый петас эна „потехаэзіс“.

А сыкоста волі ни ләдзёма ва вылёт первой бот, кёда лоис „русской флотлын дедён“, мыччисисб Яуза, Просянной пруд да Переяславской ты вылын стругаэз, шняккез да боттэз.

¹ Стalin, Ленинизм вопросэр, изд. 9-от, стр. 359.

„Нептуновой¹ потехаэз“ түйё лоисö „марсовой² делоэз“. 1686 годб Преображенскойын вёлі строитома быдса потешной крепость— „потешной фортеция“—Пресбург, Яузя ю вылын. Потешнойез лоисö вынён. Преображенскойын суалісö потешной дворрез да амбаррез (казённой да оружейной), локтіссеz понда натодиль керку, офицеррез понда керкуэз. И быдлайт мелькайтіс вылын мыгёра Пётр. Царь Пётр вёлі деятельной, умной, необычной, сылой чуждойось вёлісö дворцовой интерессэз да интригаэз, занятой аслас пушкаэзён, ядроэзён, пищаллезён, фортецияэзён, корабллезён, сія эз вачкись царрез вылё, кёдна вёлісö сы втодз.

1691 годся манёврrez и сёронжык чулётём Кожуховской манёврrez³ мычталісö одзза потешнойезлісь, а оні регулярной ни Преображенской да Семёновской полккезлісь важ стрелецкой войско вылын быдёс преимуществоэз. „Кожуховской деловын“, кёда вёлі не ни „шутейнойён“, „бомбардир“ Пётр Алексеев“

¹ Нептун—древний римляналён море ен. „Нептуновой потехаэз“—морской играэз, морской ученнёэз.

² Марс—древний римляналён война ен. „Марсовой делоэз“—военной играэз, военной ученнё.

³ Кожуховской манёврrez коста, кёдна вёлісö 1694 годб Москва дынын, вуджётлісö войскоэз ю сайё и уськотчывлісö крепость вылё, кёдё строитісö натодиль манёврrez понда. Крепость дорайссезён вёлісö стрелеццев, уськотчиссенас—одзза потешнойез.

иңдөтіс стрелеццез выл ѿ ассис челядь кадся играэз съорті потешной ёрттәсө, көдна велёт-чисө суровой военной школын подмосковной посаддэзын иноземной офицеррез да медбур русской воеводаэз руководство дырни, и волі өддьён рад, кёр адзис, кытшом кокнита нія побеждайтёны стрелеццесө, коть мёддэс и волісб унажык нысся. „Кожуховской дело“ мыч-чаліс виль солдатской полккезліс преимуще-ство, важ стрелецкой войско вылын ныліс превосходство.

Эта вылын кончитчисө потехаэз. Русской регулярной армиялён ядро волі организуйтём. Этё волісб бура вооружитём да велётём первоклассной полккез. „Кожуховской дело“ борын Пётр пондіс веритны аслас вынё. Кожухов дынын, Пётр байтём съорті, „шутитісө“, но чожа ковсис серъёзиоя ни орсны смертькот Азов стенаэз дынын.

Пётр тёдіс: медбы пёрти Россиясө вына державаё, сылб колё петны море береггез дынё. Эшё 1693 годын июль месяцö Пётр первуись адззыліс море. Эта волі Архангельскын. Пётр пондіс любитны моресө. И эта волі не простой кыссыом ваа стихия дынё. „Водной пространство—вот мой колё Россиялё,— байтіс Пётр Кантемир князьлё,— и энё кыв-весё сія гижис аслас олём йыліс книгаын медодзза страница выл ѿ“ (*Маркс*).

Маркс байтіс, что „Россия эз ни вермы Донліс, Днепрліс да Бугліс устьеэсө, а сіджё Керченской пролив кольны кочуйтан

да разбойниччой татара киэзын". И ассис медодзза ударсö Пётр иньдётö туроккез вылö. Эта походлён цельыс вölі Азов крепость босьтём и Азовской да Чёрной мореэзö петём. 1695 годын июнь 27 лунö Гордонлён отряд сулаліс ни Азов стенаэз дынын, недыр мыйись сы дынö отлаасисö Лефортлён да Головинлён войскоэз. Ныкöt вölі и Пётр.

Пондісö лёсьётчыны осада кежё. Русской-е гарийисö „апрошиэз“, мёднёж шуны муввой укрепленнёэз, пыдын канаваэз да валлэз. Июль 6 лунö пондісö лыйлыны крепость кузя. „Бомбардир Пётр Алексеев“ радён уджаліс орудие дынын. Но тыдаліс русской армиялён умёля лёсьётчём. Минаэз пуктылісö умёля, и нія потіканыс вийлісö да калечитісö русской солдаттәэбс жö. Штурмmezісь нем әз петлы. Войскоэз вölісö неготовбсь крепосттез осада кежё. Тыдаліс многоначалие, сэтчö жö әз вöв флот, әзбö вölö тöдісь минёрrez да инженерrez. Пётр колис гаризоннэсö босьтём каланчаэзын (башняэзын) и вешшис бöрлань. Но Азов дынын „играыс“ әз кончитчи. Сія должен вölі вились пондётчыны мёд годас.

Преображенскойын, Воронежын, Козловын лихорадочной пондісö стукётны черрез. Пётр строитіс флот. Сыкоста жö формируйтісö виль армия. Составляйтісö виль походлісь план. Флот должен вölі блокирутны Азовсö море вывсянъ, армия—кытшöвтны сiйö му вылын, а Днепр уліс теченнёын демонстрация—туроккезбс ылётöм понда.

Оні Азов дынын русской армиялён дейстwieас волісö успешнойжыкёсь. Артиллеристтэз лыйлісö метокжыка, минёррез да инженеррез волісö искуснойжыкёсь, а русской флот орётіс Азовсö море ладорсянь. Лихой штурм донеццезлён да запорожеццезлён, кёдналб отсалісö отборнöй полккез, 1696 годын июль 19 лунö вайётіс Азов қапитулируйтöм дынö. Азов весьтын воздухас пондіс павъявны русской флаг, мореын сувтісö якорь вылö русской кораблlez.

Но не Азовской, не Чёрной мореэз эз вермё лоны „ваа пространствоын“, кёда коліс Россиялё. Ваа пространствонас, кёда сетіс Россиялё веськыт туй Европаö, волі только Балтика. „Европаö öшын“ позис писькотны только Нева береггез вылын. И эстöн Азовской походдэз волісö,... не мыйён-нибудь мёдікön, а Швеция-кöt война пондётчомён“ (*Маркс*). Этö чожа вежортіс Пётр. Кёр Пётр пондётіс разрешайты балтийской вопрос, сія видзис тёдвылас Европын Россиялісь бур обстановка. Сія вермис надейтчыны союзниккез отсёт вылö и сы вылö, что Европа пыташся делоэз оз сетё враггеслö мунны паныт Россиялё.

Пётр лихорадочной лёсьётчис война кежё. Чожа öктісö и велётісö войскоэз доброволец-цезісь и „датошной отирись“ (рекруттазісь). Нийö вооружитісö штыккеза кремнёвой ружьё-эзён, пасытötісö пемытзелёной кафтанинэзё, куимпельёса шляпаэзö и велётісö асывсянь рytöдz. Но русской офицеррез волісö етша, а

наёмникез-иноземеццез велётісö умёля. Сідз ёктысö да умёлика велётісö 25 пехотной да 2 драгунской полк (32 тысяча морт мымда). Му-
кёд петровской армияыс, ётлаын сэтён дво-
рянской ополченцё да стародедовской „наряд“
(артиллерия) волі эшё етшажык приспособи-
тёма вына Швециякöt война кежас. Этадз эз
туй висъставны только гвардееццез йылісь—
преображенеццез да семёновеццез йылісь.

Сэтшом войскоён, почти промышленность-
тöг, кёда коліс странаыс оборона понда, Пётр
пондётіс пессьом Европын вына странакöt
—Швециякöt.

1700 годын август 8 лунö русской войскоэз
пондісö мунны Нарвалань. Пондётчис Север-
ной война. Эта войнаö Россия пырис бёрö
кольчём, сухопутной „Московияён“, а кончи-
тіс сiё 1721 годö могущественной Российской
империяён, великой морской державаён, кёда
честьён вермис дорыйны ассис право незави-
симой существованё вылö и бойён петіс ми-
рын медвына да медвлиятельной государство-
эз рядö.

Северной войналон история йитсö Пётрлон
военной биографиякöt. „Кыдз бы мийö эгö оце-
нивайтö сылісь целлесö, сылісь результаттасö
нето сылісь дыр кыссыёмсö, мийö сёжö пон-
дам шуны сiё Пётр Великийлон войнаён“
(Маркс).

1700 годö сентябрь копецын русской вой-
скоэз сибётчисö Нарва дынö. Сьокыт волі рус-
ской войскоэзлён туйыс, сьокыт волі и осаж-

дайтын первоклассной шведской крепостью. Пушкаэз и порох волюсё умольёсь. Русской армиялон быдыс эз тырмы. Осада кыссис дыр. А эта коста шведской король Карл XII, Россиялісь союзница, Дания победитом борын, тэрмасьёмён муніс Нарва дынё, паныт „русской мужиккезлө“. Ноябрь 19 лунё Карллон войско, кёдаын волюсё побрись, опытной воиннэз, сибётчис Нарва дынё. Лунтыр пессисё шведдэзкот русской солдаттэз, преображенеццез да семёновеццез, кёдна обороняйтисё русской позициясё. Шведдэз чегётисё русской стрелецкой полккезлісь сопротивленнё, тшёктисё пышныы дворянской конницадос, но нія эзё вермё побротны не преображенеццесё, не семёновеццесё. Кортвой стенабон суалісё русской гвардееццез. Карл XII не отпир нүйтліс ассис войскоэсё одзза потешнейзлён „вагенбург“ (укреплённой лагерь) вылё, но быд пора вешшылісё борлань лёг, небаитісь шведдэз. „Кытшомбось мужиккес!“—невольноя горётчис Карл. Гвардееццезлён мужественней сопротивленнё бердё жугаліс шведдэзлён наступательной порыв. Локтіс ой. Бой лоңьсис. Русскойез вешшисё борлань. Асьяпоннас Нарова вылын пос кузя муніс кольчом русской армия. Шведдэз торжествуйтисё победа.

Нарва дынын бояс Пётр эз участвуйт. Сія энергичнёя керис укреплённёэз Псков да Новгород дынын, лосьётчис сетны врагло отпор. Карл XII думайтіс, что „московской мужиккезкот“ быдёс кончитом и что сія Нарва ды-

нын ётік молниеносной ударён победитіс быдёс русской армиясö. Но не сідз думайтіс Пётр. Карл лыддис, что война кончитом,— Пётр волись пондётіс сійö. Аслас „Журналын“ Пётр гижис Нарва йыліс: „Мый сэтён дивуйтчыны, кёр важ, велётом, практикуйтом войско судзётіс виктория (победа) сэтшом неискусной вылын?“

Пётр әз и думайт пуктыны оружиесö. Мёднёж, сія лихорадочноя кутчö преобразованнёэз бердö кёдна долженось волісö вына врагкöt одзланься дыркыссяна пессьомын обеспечитны русской армиялö победа. Войнасö одзлань нүйтöм понда коліс деньга. Пётр адззис сійö быдкодь налоггез пыртöмён. Военной преобразованнёэз обеспечитан деловын ыджыт роль орсіс быдман русской промышленность.

Пушкарской приказіс начальник Виниус получитіс распоряженнё керны виль пушкаэз. Пондісö уджавны Тульской, Каширской, Олонецкой заводдэз. Армия понда уджö пырисö сё виль и виль заводдэз: Брянскойöсь, Липецкойöсь, Петровской и мёдіккез. Одззася тульской кузнец Никита Демидов пондётом събрті русской металлургия центрён лоис Урал. Недыр мыйись ассинys продукция пондісö сетны уральской металлургической да металлообрабатывающей заводдэз: Невьянской, Тагильской и мёдіккез. Делобö мунісö колоколлэз, кёднö ладзалисö вичкуэз вылісь Пётр приказ събрті. Заводдэзын керисö пушкаэз, ядроэз,

гранатаәз, фузеяәз (ружьёәз), багинеттәз (штыккез), якоррез, сабляәз и мукәд. Быдмисө сүккөнйй, полотнянйй, паруснйй, канатнйй и мәдік мануфактураәз, көдналён продукциясы муніс армия да флот понда. Лодейнй Поле верфь вылын керисө да ләдзлісө ва вылө военой кораблләз.

Оні әз ков ваявны граница сайисъ литтихской мушкеттәз (ружьёәз), кыдз әтö Пётр керліс война вотодз,—нійб керисө Россиянын. Русской войскоәз получитісö өддьён бур оружие, кёда волі противник оружиеся буржык. Пётрлён „инфантерия“ (пехота) получитіс вооруженнё понда удобной приклада и штыка 7-линейной кремнёвой „фузея“. Кёр Пётр сетіс быд пехотинецлө штыкён ружьё, пехотинец пондіс вермыны ёткоста нүйтны бой и ылынасянъ и врагкöt моросісъ моросө пантасикö. Западно-европейской армиязын пехоталён ётік часть сія кадо волі вооружитома ружьёәзён, а мәдік часть—копьёәзён. Этасянь бойын участвуйтіс не быдös пехотаыс,—кёр лыйлісө ружьёәзён вооружитом пехотинеццез, то нылён ёрттәз, кёдна волісө вооружитомөсь көдзыт оружиеён, бездействуйтісö. Штык пыртёмён Пётр, пехоталісъ чисолосъ ыждöttöг, унаён содтіссылісъ боеспособность. „Фузеяся“ пехотинеццез волісө вооружитомөсь шпагаён.

Мыччисисө особой гренадёрской часттез. Гренадёрлён ыджыт сумкаын волісө кынымкө граната. Гранатаас волі өсобой составон бос-

съём фитиль, кёдö ёзтылісö чапкём одзын. Гренадёрлён вына киён чапкём сэтшом гранатыс волі грозной оружиеён.

Этася пехотинеццез волісö вооружитомёсъ неыджыт дженоң ствola крупнокалиберной ружьёэзён. Нія вачкисисö приклада учотик мортиркаэз вылö, кёдна волісö лосьётомёсъ неыджыт гранатаён лыйсъём понда.

Пондылісö сідзжö керны дальnobойной ружьё. Этö задачасö решайтісö простой, но неправильной способён—калибрлісъ да стволлісъ кузясö ыждётомён. Сідз волі конструирийтöм сідз шусян „великанской фузея“, кёда лоис неудачнойён.

Кынымкö годён Пётр вермис вооружитны пехотасö первоклассной стрелковой оружиеён, кытшом волі сэк Европаас эшö не быд стра наын.

Ыджыт измененнёэз лоисö и конница вооружитомын. Онодз коннициалён главной оружиеён волісö сабля да пика. Пётр вооружитіс русской кавалеристтэзёс штыктöм джендётом „фузеяён“, палашшезён да пистолеттэзён. Коннициалö первуюись волі сетём кокнит полевой артиллериya. Пётр пуксьётіс расчётсö вёввез вылö и артиллериясö керис почти сэтшом жё подвижнойён, кыдз и кавалерия. Сідз Пётр организуйтіс конной артиллериya. Конной артиллерия волі виль торён, и петровской армия эта отношеннёын унаён одзалис европейской армияэсб. Русской коннициалён боеспособность тёдчомён содіс.

Үджыт изменениёэз волісө керомось и артиллерийской делойн. Кенигсбергын испытан-пёэз бёрын Пётр I-лө сетисө свидетельство, кёдаын сийё шуисө прекрасной артиллеристён, „кужисъён чапкавны бомбаэз, осторож-ной да искусной огнестрельной художникон“. Том полководец бура вежортис бойын артилле-риялісъ значениёсө. 1701 годё пондіс уджавны „Артиллерийской приказ“. Нарва дынын Пётр ёштіс ыджыт часть аслас артиллериаись, но сія эз тёждісъ. Орудиеэз, кёдна сюрисө швед-дээз дынё, волісө важось, умольбось. Пётр пон-дё лосятчыны виль бойез кежо, керо орудие-эз нія куим основной типаэзё, кёдна эмось и оння кадо,—пушкаэз, гаубицаэз да морти-раэз. Сідзжо пондоны керны порох да ядроэз понда зарядной ящиккез, мый сәк волі Европын виль торён. Эта йылісъ тёдісө не быд армияын. Знаменитой Яков Брюс¹ пыртё „артиллерийской шкала“ да „артиллерийской вес“, кёдна сыбёрын лоисө основаён артиллериялісъ материалной часть научной кон-струированнёын. Быд заводо волісө иньдёмось инструкцияэз да чертёжкез, кёдна установ-ливайтис орудийной системаэзын единообра-зие. Пётр, кёда бантліс, что артиллерия жа-гёна ветло, пыр сёрмылө решительной бойез кежо, оні пыртё специальной 26 да 36 пуда

1 Брюс—Пётр I-лён боевой сподвижник; перво волі потешнойён, сыбёрын участвуйтис почти быдёс поход-дээзын и битваэзын, командуйтис артиллериоян. Этася Брюс волі ыджыт учёной-математик и астроном.

күзь гаубицаэз, кёдна мунёны конной артиллеријаös вооружитöм вылö. Идея аркмётны конной артиллерија да сы понда специальной орудиеэз, мый йылісь байтіс прусской король Фридрих II, сідзкё, русской армияын первуясь вёлі пыртöм эшö Пётр дырни, 50 годён оджых, нежели лоис конной артиллерија прусской армияын. Россияын внимательной следитісö европейской военной техникин виль открытиеэз събырын. Кёр Парижын русской посол Куракин висъталіс Пётрлö сы йылісь, что Францияын кербма клиновой затвора виль пушка, кёдö зарядитöны казнасянъ, Пётр шуис сылö паныт: „Пушкаэз, кёдналён клиныс улісянъ пырё и петö, эта инвенцияыс миянлö важын ни тёдса, но мийö эгö пыртö сiё оланö сысянъ, что кёр кыкись нето куимись лыян, то селитрыс сотчас и клинсö оз позь шедтыны“. Россияын мыччисисö унаствола пушкаэз, зажигательной да осветительной снаряддэз и сідз одз.

Пётр яңсöтіс артиллеријасö осадной, крепостной, полевой да полковой вылö. Эта яңсöтöмыс вёлі вильён не только Россия понда, но и Западной Европы понда.

Образованной русской офицеррез-артиллериисттэз эз тырмё. Этасянь Пётр пондіс готовитны кадрrez. Офицеррезöс-артиллериисттэзöс велётöмыс вёлі сетöма Московской навигаторской школалö, кёда вёлі осьтöма 1701 годё, сёрёнжык Московской инженерной школалö, а 1714 годё Петербургын вёлі осьтöма

специальной артиллерийской школа, ёдайын первой начальникон вёлі бомбардир Писарев.

Пётр вёлі русской артиллериya тактикалон создатель. Сія требуйтіс артиллериya сянь „чо-жа лыйсыны и пушкаэз чо-жа кыскавны“, организуитны взаимодействие конница да пехота коласын. Бой коста сувтны сідз, кыдз буржыка лёсялёр обстановка съорті, быдлает мунны пехотинец да кавалерист съорын и отсавны нылёр аслас биён, „секундуйтны (отсавны) ётамёдлёр“—вот мый Пётр требуйтіс артиллериya сянь.

Русской артиллериistтәзлө Пётр гијис „Артиллериya употребляйтём понда руководство“. „Руководствоын“ гијём артиллериya тактикалон принципез вёлісө вильбесь, юдна йылісь Западной Европын сәк әзö и кывлө.

Үджыт совершенство судзётö русской военной искусство. Көть русской артиллериялён меткой биыс крепосттез осаждайтікø часто и мездётліс сапёрrezёс үджыт да сложной удж керомись, а ачыс Пётр үджыт крепосттесö строитліс не бдьён уна, но сёжö Северной война конецö русской военной инженеррез полевой войнаын әз тёдö аслыныс равнёйесö. Ачыс Пётр вёлі инициаторён, көр составляйтісö талантливой план, кыдз керны Полтавской бой мунан местаын полевой, взаимно перпендикулярной расположитöм укрепленнёэз¹, юдна мед вёлісө взаимной огневой связын.

¹ Онодз бой дырни армиязз кольчылісö отік местаын полевой укрепленнёэз сайын, отік кузь линиязбон.

специальной артиллерийской школа, кёданын первой начальникон вёлі бомбардир Писарев.

Пётр вёлі русской артиллерея тактикалын создатель. Сія требуйтіс артиллерииясиянь „чо-жа лыйсыны и пушкаэз чожа кыскавны“, организуиты взаимодействие конница да пехота коласын. Бой коста сувтны сізд, кыдз буржыка лёсялёр обстановка съорті, быдлаёт мунны пехотинец да кавалерист съорын и отсавны нылёр аслас биён, „секундуйтны (отсавны) ётамёдлёр“—вот мой Пётр требуйтіс артиллерииясиянь.

Русской артиллериисттәзлө Пётр гижиш „Артиллериия употребляйтём понда руководство“. „Руководствоын“ гижём артиллериия тактикалын принциппез вёлісө вильёсь, кёдна йылісь Западной Европын сәк әзё и кывлө.

Үджыт совершенство судзото русской военной искусство. Кёть русской артиллерииялён меткой биыс крепосттез осаждайтікё часто и мездётліс сапёрrezбс үджыт да сложной удж керомись, а ачыс Пётр үджыт крепосттесө строитліс не өддьён уна, но сёжё Северной война конецю русской военной инженеррез полевой войнаын әз тёдё аслыныс равнёйесө. Ачыс Пётр вёлі инициаторён, кёр составляйтісө талантливой план, кыдз керны Полтавской бой мунан местаын полевой, взаимно перпендикулярной расположитом укрепленнёэз¹, кёдна мед вёлісө взаимной огневой связын.

¹ Өнөдз бой дырни армияэз кольччылісө өтік местаын полевой укрепленнёэз сайын, өтік кузъ линияэзён.

гационной школа. Белой, Азовской, Чёрной, а недыр мыйись и Балтийской мореэз вылёт ветлісö военной судноэз русской флаг увтын.

И армия реорганизуйтöмын да флот организуйтöмын Пётрлён эна решительной мероприятиеэз чожа сетисö ассиныс результаттэз.

1702 годын январь месяцö Эрестфер дынын (Лифляндияын) Шереметьев разгромитис шведской полководец Шлиппенбахлісъ кыкъямис тысячаа отряд. Шведской отрядлён джыныс волі петкötöма стройись, и русскойе злö сюрисö первой трофеяэз—6 пушка. Урок, кёдö шведдэз сетисö русскойе злö Нарва дынын, весь эз ёш. Шведской король получитис первой удар. Шведдэз вылын победаыс волі отметитöм всенародной праздникён.

Пётр эз мёд переоценивайтны этö „викториясö“, но учитывайтис русской армиялісъ быдман вынсö. Сія байліс: „Мийö локтим сэтчöдз, что шведдэзös побеждайтны вермам, коты и тышкасям кытчöдз кыкён паныт отіклö, но чожа пондам побеждайтны нiйö и öтыжда числоён“.

1702 годын июль 17 лунö Шереметьев бора разгромитис шведдэсö Гумельсгоф дынын (Лифляндияын, Эрестферся северынжык).

Пётр бура вежörtис Невалісъ стратегической значеннëсö. Этасянь 1702 годö арнас Пётр пондётис пыртны оланö ассис плансö. А планыс волі сэтшöм: Пётр мёдис вачкыны клин шведской войскоэзлён южной, эстляндско-лифляндской, да северной, финляндской, группи-

ровкаәз коласö. Сідз Пётр мёдіс шведской войскосö янсöтны кык тор вылö и петны море дынö. Русской войскоэз öксисö Нотебург дынын. Пондіс осаждайтны старинной крепость, древнейой новгородской Орешек, кёдö сто год одзті босытісö шведдэз. Ожесточённой артиллерийской обстрел бёрын октябрь 11 лунö крепостьсö пондісö штурмуйтны. Дугдывтöг даскуим час съёрна кыссис Нотебургсö штурмуйтöмыс. Героической русской солдаттэз даскуим час съёрна мунисö би да смерть коян крепость стенаэз приступ вылö. И Нотебург усис. „Ключ-город“ (Пётр Нотебургсö пондіс шуны Шлиссельбургён, мый лоб „Ключ-город“), море дынö ключ вёлі Пётр киэзын. Оні коліс петны море дынö.

Тöвбыт Пётр бура лёсьётчис море дынö петанінсö босытöм кежö. Пондіс уджавны Олонецкой верфь. Уна вын пуктöмён Белой мореись судноэз волокён вёлісö кыскомбсъ да лэдзёмбсъ Ладожской тыö. Тулысон русской флот вёлі готов действиеэз кежö. И 1703 годын май 1 лунö неыджыт шведской крепость Ниеншанц, кёда сулаліс Охта дорын, недыр кыссян бомбардировка бёрын сетчис русской езлö. Кынымкö лун борті кык шведской корабль, кёдна эшö эзö тёдö Ниеншанц усьомйылісъ, пырисб Нева устьеö. Пётр и Меншиков пуксьётісö гвардееццеёс пыжжеzö да босытісö шведской судноэсö. Май 16 лунö Ени-Саари остров вылын пондётісö строитны Петропавловской крепость. Сідз вёлі пуктöма на-

чало „Санкт-Петербурглө“, Финской залив берег дорын русской пушкаэзлөн гымётом юörtіс Россия историяны виль этап пондётчом йылісь. Столицасö Пётр вуджётіс Нева берег вылö, Балтийской берегдор вылö, и быдсöн чапкис важ традициясö московской царрезлісъ, кёдна пессисö отлаётны только кёсін. Пётр сеңіс правильной направлениे зорамны „великой русской расалён, кёда важын ни мёдіс петны море дынö, природной способносттезлö и стремленнёэзлö“ (*Маркс*).

1703 годö арнас Котлин остров вылын вölі строитöма крепость Кроншлот, кёда пуктіс начало оння Кронштадтлö. Россия петіс море дынö. Пётрлён одзланься планнээ вölісö сэтышомёсъ: зорётны да ёнмётны военно-морской флот и обороняйтны Нева да Петербург северланьсянъ и югланьсянъ. Эта понда Пётр керö поход Прибалтикаö. Успеххез вölісö ыджытöсъ. 1703 годö русскойез босытісö Ям, Копорье, Мариенбург, 1704 годö—город Юрьев (Дерпт, оння Тарту), Ивангород да Нарва, кёда дынісь нёль годён бёрлань отступайтіс беспорядокын русской войско. Прибалтика лоё Россиялён неотъемлемой частьён. Пондісö бёр босытны „айезлісъ да деддэзлісъ“ муэз—старинной русской муэз.

Пётр байтіс: „Шведдэз вермасö эшö отпыр и мёдпыр вартлыны миянöс, но нысянъ жö ми-йö велалам побеждайтны“. Кампания конецын Прибалтиканы Пётрлён стратегической план вölі тыртöм—Карл XII аслас армиякöt вölі

янсётом шведской войскоэлён северной груп-
па дынісь. Чожа Пётр вермис ни отсавны и
аслас неудачливой союзникло—польской ко-
роль Август II-ло, кёда сьёрё, кокпятаэсö та-
льёмён, вётчис Карл XII. Русскойез босътіеö
Митава, Полоцк, Гродно. Ылё Польша пытш-
ко пырисö русской войскоэз; Меншиковлён
конница разгромитіс шведдэзёс Калиш дынын.
Но русской войскоэлён эна успеххес вёлісö
эшё некрепытось, сідз кыдз Август II керис
мир Карлкёт, и шведской король быдёс аслас
войскоён уськотчис русскойез вылё, кёдна вё-
лісö орётёмёсЬ снабженнё базаэз дынісь. Карл
мёдіс кытшёвты да уничтожитны русской ар-
миясö Гродноын. Но этайсь нем эз пет. 1706
годын март месяцö русской войско гусьён ву-
джис Неман и муніс Карл дынісь.

Русской полководецлён воеиной гений пет-
котіс армиясö сьёкыт положеннёись. Пётр
сувтötіс аслыс задача выиграйтны кад и от-
ступайтны сэтчёдз, кытчёдз русской армия оз-
ло готов решающей сраженнё кежё. Сія реши-
тіс тревожитны шведдэсö тылсянь, готовитны
оборона кежё русской городдэсö, пондасö кё
пырны шведдэз, а пырасö кё нія, то вынтöм-
сьётны шведской войскоэсö активной оборона-
ён, используйтны ылынасö, ёктыны вын да
разгромитны противниксо. Одзаныс вёлі се-
рьёзной испытаниё. Мунісö Карл XII-лон по-
рох тшынён боссьём, унася-уна победаэз славаён
вевтъём „непобедимой“ ветераннэз. Ны-
лён перыт да видзчисьтом марш-манёврэз час-

то әежлісө обстановкасö. Сибötчis грозной да беспощадной враг, кöда мöдис сокрушитны Пётрös, юны вир Русьлісь, вештыны бёрлань прогресс да культура дынö қыссян русской народ.

Пётр решитис вештыны ылёжык страна пытшкö, эта дырни уничтожайтны быдöс продовольственçой запассæз, фураж, беспокоитны врагöс *учёт войнаён*¹, видзны сiйö „пассаэз“ вылын (юæз вуджикö).

1707 годö Карл XII „маршён“ мунис Москва вылö. Сiя надейтчис ётiк ударён кончитны Россиякöt. Сiя мечтайтис янсётны Россиясö поснит да вынтом областтез вылö, а Швециясö мёдис пöртны Восточной Европын великой державаö. „Генеральнöй баталия“ сettöг Пётр вештис востоклань.

Москва вылö мунны лёсъётчикö Карл бёр-йис туй Смоленскöt—„Москва воротаёт“. „Они мийб мунам Москваб туй кузя и если только пондам мунны и одзлань, то, конечно, локтам“,—бaitис Карл XII аслас соратниклö да медматись советниклö Гилленкроклö. Осторожнöй Гилленкрок бaitлис корольлö, что кыным ылёжык Россия пытшкö, сыным крепытжыкöсь лоасö русскойезлön укрепленнёэз, а русской „учёт война“ пондас вайётны сё ыджытжык урон шведдэзлö. Но Карл эз кызвы сылись бaitёмсö.

¹ Сiдз шусьё война, кöдаын военнöй операцияэз основаён лоёны поснит отряддэзлön боевой действиеэз.

1708 годын юль 5 лунё Головчин дынын лэбтісис русскойез понда неудачной бой. Недыр мыйись усис Могилёв. Карл XII муніс Смоленск дынё. Август 30 лунё Доброе мес-течко дынын шведской король сетіс бой рус-скойезлө. Бойлон результаттәз волісö совсем видзисътомось Карл понда и сылон генерал-ләз понда. Коть русскойез и вештисö бёрлань, но шведской авангард волі разгромитом. Рус-ской солдаттәз тышкасисö храброя. Эта сра-жене йылісь Пётр I гијис: „Ме, кыдз понді служитны, миян солдаттәзсянь сэтшом бисö да порядочной действиесö аг кывлы и эг адззывлы...“

Но Пётр эз переоценивайт эта бойлісь ре-зультаттәсö и тшöктіс вешшыны бёрлань, Смо-ленск дынё. Русскойез отступайтис. Сотчисö посаддәз да деревняэз, туйез кузя мунисö бе-женеццез, лэбтісö бус пода табуннэз. Смолен-щина весьтын сьод кымбрён ёшаліс тышн. Русскойез нем эзё жалейтб, мед только „доб-ро эз донзы вороглө“. Ас одзас пустыня адззикö Карл пондіс думайтны и бёриис мёдік туй—перво Северской му вылё, Украинаб, кы-тён сійö видзисис изменник Мазепа, а сэт-чинсянь Брянскот да Калугаёт походлон ко-нечной цель дынё—Москва дынё.

Эта коста пондіс тыдавны, что шведской войскоын озё тырмё пушкаэз, боевой припас-сэз, обмундированнё, амуниция, провиант. От-савны Карл XII-ло Лифляндияись петіс швед-ской генерал Левенгауптлон дасквать тысячаа-

отряд. Левенгаупт отряд бўрын кыссис вооруженнёён, снаряжениёён да провиантёён ыдъжыт обоз. И если отряддэс ётлаасисö бы, сæk шведдэз лоисö бы грозной выпöн. Пётр вејёртис шведдэслісъ плансö. Сія отборной войскоэз янсотиc особой подвижной отрядё, кёдаын волi конной пехота (вёввез да повозкаэз вылö пуксютём пехота, мый тожо волi вильён военной деловын), драгуннэz, казаккез да конной артиллериya, и чапкис сійö Левенгаупт вылö.

Сентябрь 28 лунö Лесной деревня дынын неылын Пропойск городсянь, Сож ю вылын, лэбтисис битва. Шведдэз волисö разгромитöмёсь. Даснёль тысячаа русской отряд ёштис 1111 мортос вийёмmezён да 2856 мортос раниёмmezён, а даскватъ тысячаа шведской отряд—8 тысяча вийёмmezён и ёддьён уна ранитёмmezён да плениёйезён. Быдёс шведской обоз и артиллериya сюрисö русскойез киэзö.

Лесной дынын битва видзис ыдъжыт значенё. Медстрашнёйыс шведдэз понда волi сыын, что кольчём Левенгаупт войскоэзлён, кёдна ётлаасисö Карл войскоэзкöt, эз волё сэсся не пушкаэз, не обоззэз, не боеприпассэз. Шведдэз ёштисö ассиныс одзза самоуверенность, а русскойез, мёднёж, чувствуйтисö асънысö унаён буржыка. Лесной дынын битвасö Пётр справедливоя шувліс „Полтавской баталия мамён“ и байтис сы йылісъ кыдз „миян добролён медодзза лун йылісъ“.

Эта сражениёын Пётр эшё ётпýр мыччалис асис военной талантсö. Сæk, кёр быдёс запад-

ноевропейской странаэзлён войскоэз топ 1789 годся Французской буржуазной революцияёдз видзисё линейной тактика бердё, кёда муніс Густав-Адольфсянь, Пётр I пыртіс сэтчё уна бурсё да вильсё. Лесной дынын битвын русской полккез вёлісё сувтётёмось сідз: ётік батальон первой линияын, мёдік—сы бёрын. Этён линейной боевой порядоклё сетсисе манёвр понда способность.

Русской армия, кёдё ёктісё рекруттэзісь, торийтсис вылын политко-моральной качествоэзён. Сылён солдаттэз эз дезертируйтё и бойкоста эз дзебисисль лёнь местаэзё, кыдз этё керлісё западноевропейской армияэзлён вербуйтём солдаттэз. Сайбутём местаын пантасикё русской армия получайтіс ыджыт преимущество. Пётр, кёда адззыліс этё Лесной дынын бой дырни, сетліс советтэз аслас подчинённойезлёр старайтчыны сетны бойез не „кушыб вылын, а вбррезын, мыйын эм ыджыт польза. Этё ме ачым испытайті“. Этё виль тактикасё применяйтёмён Пётр унаён одзаліс аслас современиккезліс военнй идеяэсё.

Лесной дынын сражениё бёрын Карл XII иньдётчис Украинаё. Отирлён чином, Лесной дынын бойын боевой да продовольственнй припассэз ёштём—быдёс эта тшёктіс Карлос тәрмасьны Украинаё, кытён гетман Мазепа, кёда важын ни чуотіс переговоррез Карлкёт, готовитіс измена и мечтайтіс янсётны Украинасё Россия дынісь, должен вёлі сетны Карллё и войско и припассэз. Но петіс не сідз, кыдз

думайтісö Карл Мазепакöt. Украинской народ кольчис вернойон Россияялö. Пётр правильнöя оценитіс стратегической значеннё гетманской ставкалісь—город Батуриналісь, кёда вермис лоны оперативной базайн шведдэз понда, и сетіс приказ босътны Батурина.

Этö приказсö бура тыртіс Меншиков.

Шведдэз кольчисö тёвйыны Украинаын. Не кокнитён волі эта тёлыс враг понда. Русской войскоэзлён „учёт война“, украинской „селяналён“ да казаккезлён партизанской движеннё, Веприк крепость штурм дырни уна вир кисьтом да медбур шведской офицеррезёс вийом—быдёс эта вынтомсъотіс Карллісь войскоэсö.

Локтіс тулыс. Карл решитіс босътны Полтава. 1709 годын апрель месяцö шведдэз кыштёвтісö городсö. Полтава волі важной опера-тивно-стратегической пунктöн. Этö городсö босътём бёрын Карл XII вермис мыйко дырна видзчиcыны отсöт аслас сторонникезсянь Польшын и Турциян, кёдö сія тожö тшёк-тіс лэбтісъны Россияялö паныт. Шведдэз лыддисö, что Полтава дынын нылон победа тшёк-тас чожжыка лэбтісъны Турциясö. Полтавалён район сетіс ыджыт выгодаэз противниклö одзланься наступленнё понда.

1709 годын апрель 2 лунö шведдэз сулалі-сö ни Полтава стенаэз дынын. Город волі умёля укрепитöм пуовой обшивкаа муовой валён, пуовой заборён, кёдаын волісö керомёсъ бойницаэз. Быдёс волі умоль, важ, чуть-чуть

видзис. Но Полтаваись гарнizonын вёлісö мужественнöй воиннæз. Родной городсö дориём выlö лэбтисисö сідзжö быдöс горожана, кин вермис видзны оружие. Полтавалён оборона—русской народлён военнöй история йылісъ великой книгиын героической страница. Шведдэз гарийисö подкоппез, лэбтисö валлэз, тэчлісö да ёзтылісö минаэз, лыйлісö город кузя пушкаэзісъ. Но полтавской гарнizon Иван Степанович Келлин юралём увтын мужественнöя оброняйтчис. Русскойез гарийисö контраминаэз, кыскылісö бёр шведдэзён пунктом порох, керлісö храброй вылазкаэз. Май 7 лунö Меншиков аслас конницаён пондыліс орётны блокадалісъ кольцосö, но этаись нем эз пет. Мёдпырся русской отряд, кёдаын вёлісö тысяча морт, вермис боеприпассэзён да провиантён пырны городё, медбы отсавны героической гарнизонлё. Карл XII чапкис ассис войскоэсö крепость штурмуйтём выlö. Штурмез мунісö събресьён бёрсьён: май 15, 24 да 29 луннэзö, но быдöс нія вёлісö чапкёмбсъ, эта коста шведдэсö бддьён уна вийисö. Карл пондыліс ёзтыны городсö орудийной биён, но этаись нем эз пет. Полтавеццезлё тшёктисö сетчыны, но ответ туйё нія керисö кык успешной вылазка.

Полтавалён положеннёыс сёжö вёлі критической. Пётр адззис это и вежörtic, что шведдэзён Полтавасö босытёмыс неприятель понда вёлі бы ыджыт успехён и съёкытжыкён бы керис обстановкасö. Этасянь сія решитіс

сетны „генеральной баталія“. Пётр вёлі пыр осторожнёй, бура разбираітчыс военнёй обстановкаын, и сія кужис бёрыны наступленнёю вужём понда моментсö. Іменно ёні локтіс кад действуйты, и действуйты смелёя, энергичнёя.

Іюнь 4 лунё Пётр локтіс действующой армияё. Іюнь 20 лунё русской армия форсируйтіс Ворскла ю Черняхово деревня весьтын. Пётр лёсьётіс бой понда места. Медоригинальной частьён сы планын вёлі кык вёрок коласын редуттэз строитом—кватель доль бой понда места кузя да нёлью—перпендикулярнёя. Но бой пондотікё кыка ны коласісь эшё эзё вёлё готовось.

Карл XII эз мёд решающей сражениё коста кольны аслас тылын героической полтавской гарнизонсö, кёда оборонаись вермис вужны наступленнёю. Этасянь іюнь 21 да 22 луннэзё сія штурмуйтіс Полтавасö. Но шведской полководец ёштіс 2500 мортёс, а эз судзёт некытшом успех.

Іюнь 27 лунё (июль 8 лунё виль стиль съюрті) 1709 годын югдандорас пондотчыс „Полтавской баталія“. Шведдэз первоіе зон уськотчыс русскойез вылё. Нія мунісö пехоталён иёль колоннаён, кёдна бёрын вешшисö конницалён кватъ колонна. Паныт шведдэзлö муніс Меншиковлён конница, кёда враглö керис ыджыт урон и босытіс 14 знамя. Но русской кавалерия ётнас эз вермы видзны быдёс шведской армиялісь натисксö, Пётр приказ

съёрті конница пондіс кежны веcъкытланъ, медбы позис мунны бойё пехоталё. Аслас ма-нёврён конница ылётіс шведдэсö пыдёжык русской редуттэз дынö, и, кёр шведдэз сибёт-чисö русской укрепленнёэз дынö, 72 русской пушка 90 осъкёв ылынасянь осътісö картечён быдбс уничтожайтан би. Шведдэз колисö сэт-чö уна ассиныс отирёс и пондісö отступайты. Эта дырни нылён отік отряд кольчис асласі-сез дынісь и чожа волі уничтожитöм, а отряд-сис мукöд солдаттэсö Меншиков босътіс пленö.

Эта коста русской пехота пондіс петны бой мунан местаö и сувтны кык линияö. Пондёт-чис бойлён мёдік этап.

Бой вотöдз солдаттэзлö волі лыддьётöма Пётрлён приказ: „Воиннэз! Вот локтіс час, кё-да решитас Отечество ліс судьба. И тайб эдö думайтö, что воюят Пётр понда, но тайб воюят Пётрлö сетём государство понда, асланыт род понда, Отечество понда... А Пётр йылісь тёдö, что силё оланыс абу дона, мед только Россия оліс блаженствоын да славаын миян благосостояннё понда“.

Асывнас öкмысöт часын противникез пон-дісö сибётчыныötамёд дынö. Русской солдат-тэзлö паныт вешшисö Карл XII-лён умольтчом, летсöём пасъкёма, но сё эшö грозной ветеран-нэз, солдаттэз шведской армиялён, кёда лыд-дисис мирас медбурён. Шведдэз колонна кузя лыйлісö перво артиллериjsкой, сыбёрын ру-жейнöй биён, и „гымнитіс бой, Полтавской бой“ (Пушкин).

Шведдэс перво пондылісö зэлётны русской войсколіс центрсö и орötісö сылісь передовой линиясö, но прорывсö ликвидирийтіс Новгородской полклён батальон, кёда локтіс мёдік линияись и кёдён командауйтіс ачыс Пётр. Кык час дырна кыссис пым рукошаший схватка. Эта схваткаын пуляэз инмисö Пётр шляпаб да седлоö, кёда вылын сія пукаліс.

Но вот шульга фланг вылын Меншиковлён конница вештіс бёрлань шведской кавалериясö и кытшöйтіс сылісь веськыт флангсö. Шведской конница вешшиш бёрлань и этён осытіс аслас пехоталіс веськыт флангсö. Пехота дрёгнитіс, пондіс отступайты. Русскойez öддьонжык пондісö жмитны. Недыр мыйись шведдэзлён отступленнёыс пöртчис пышшомö. Весь грёзитісö солдаттэзлö офицеррез, весь корис ассис шведдэсö Карл—бой местаыс кольччис русскойез киын. Шведской армия вölі разгромитём, сія öштіс 12 тысяча морт гёгёр вийоммезён, ранитоммезён да пленийеэзён.

Воздухын кёвъясис эшö порох тшын, а Пётр верзьомён ветліс ни бой мунан места кузя. Ранитом, порох тшынён и асланыс да враг вирён боссьюм солдаттэз да офицеррез сибётчылісö сы дынö, ваялісö трофеяэз. Вайётлісö плений шведдэзöс.

Пётр висьталіс войсколö сэтшом речь: „Здорово, Отечествою зоннэз, менам возлюбленнойеэ и желанийеэ! Сьокыт уджын зорёті ме тіянёс, и кыдз телолö душатöг, сізд и меным да государстволö тіянтöг овны оз позь...

Тіяи храброй делоэзныт пондасö пыр радуйт-
ны менö“.

Карл XII-лён войскоэзын кольчём солдат-
тээ пышшишсö. Пышшиш и ачыс Карл ётлаын
Мазепакöt. Пышшиш шведдээ съёрын вётчис
Меншиков. Июнь 30 лунö сія вётис нійö Днепр
вылын Переяловочны город дынын. Карл да
Мазепа ештисö вуджны Днепрсö. Кольчём де-
морализованной шведской армия, кёдаын вёлі-
сö 16 тысяча морт гёгёр, ётлаын Левенгаупт-
кöt сеттисö плено.

Сідз кончитчис „Полтавской баталия“—рус-
ской народлён ётк важнейшой битваэз коласіс.

„Карл XII мёдис пырны Россия пытшкö;
этён сія немёдз вайётис Швециясö и быдён-
ныслö мыччаліс Россиялісь неуязвимость“¹.

Пётр кышаліс шведдээзлö способ, кыдз нуют-
ны бой и кыдз отступайтны, эта дырни кужё-
мён используйтис укрепленнёэз, конница, ар-
тиллерия и кужис аслас преследованиёон быд-
сöн разгромитны врагсö.

Полтавской битваліс значеннёсö съёкыт пре-
реоцёнитны. В. Г. Белинский байтис: „Полтав-
ской битва вёлі не простой сраженнё... нет,
эта вёлі битва быдса народлён олём понда,
быдса государстволён одзланься олан понда...“

„Народной преобразованнёлон успехыс вёлі
Полтавской битва следствиеон, и европейской
просвещеннё сувтчис завоютём Невалён берег-
гез дыно“,—гизис А. С. Пушкин.

¹ Маркс и Энгельс, Соч. т. XVI, ч. II, стр. 9.

„Полтавской баталія“ волі Швеция понда дзебан звонитомён. Сія резкёя мёдкодьсьётіс международной обстановкасё Россия пользаё. Риссиялён вились лоисё союзникез. 1710 годся военной действиез русскойез киё сетісё Рига, Ревель (Таллин), Выборг, Кексгольм. Нельки 1711 годся неудачной Прутской поход, мёдік турецкой война коста, эз умольсьёт Россиялісь внешнеполитической положеннёсё. Союзникезлён вялостыс да бездеятельностыс коть и мешайтіс Пётр действиезлё, но сувтотны русской войскоэлісь победной маршсё нія эз вермё. 1712 годсянь военной действиез волісё буджётомёсъ северной Германия территория вылё, кытён крепитчисё шведдэз, и Штеттинсё босътёмыс эшё отпир мычталіс русской войскоэлісъ героизмсё. 1713—1714 годдэзё волі босътёма почти быдёс Финляндия, русскойез пырисё Гельсингфорсё, Боргоё, Абоё, Таммерфорсё. Финляндской кампаниялён особенностьён волі операцияэлён наступательной характер и армиялён да флотлён отласа действиез.

1714 годё июль месяцын гымнитіс Гангутской сраженнё—русскойезлён первой морской победа, русской флот славалён пондётчом. Кватъ год борті, 1720 годын июль 27 лунё, русской флот Гренгам дынын разгромитіс шведскойсё.

1714 годё Головинлён первой русской отряд, Ботнической залив йы кузя буджём бёрын, пырис Швецияё. Русскойез Померания-

ын, Мекленбургын, Ростокын, русскойе Швецияны, русскойе море вылын, русскойе Торнео дынын—вёлі мый йылісь думайтны шведской правительствою и мёдік странаәзісь правительствоәзлө.

1721 годö Северной война кончитчис Ништадтской мирён. Россия дынö вуджисö Лифляндия, Эстляндия, Ингрия, Карелия ётлаын Кексгольмкöt и Финляндиялён часть ётлаын Выборгкöt. Эта отношеннёын „Пётр... босытис быдös сiйö, мый колiс сы страна зорамом понда“ (*Маркс*). Северной войнаись Россия петiс могучой морской державаён.

* * *

Природасянь бура одарённой, призваннё събртi воин, Пётр вёлi полководецён, кёда не только теоретической, но и практической изучитис военной искусством лись быдös отрасллесö: сiя вёлi бомбардирён и полковникён, шкиперён и матросён.

Пётр формируйтчис кыдз наступательной действиеәзлён полководец. Но Нарва бёрын Пётр пондiс берегитчыны. Одзланься битваәзлён военной успеххез вились ёзтiсö сiйö, сiя удивительной юйтис асас берегитчом и решительность. Пётр вёлi настойчивой, эз паймы первой неудачаәз дырни, кужис оценивайтны враглісь вынсö. Ориентируйтчыны бура кужём, аслыс и правильной примитом решеннё эзё веритом, пыр и быдлаын асьсö чорыта видзны кужём, настойчивость, кёртовой энер-

гия, быдын новаторство—мундирсянь и унастводла пушкабдз, рекрутской наборрэссянь и стратегической планнэздз—быдёс эта мыччало Пётрсö кыдз полководец-преобразовательös, кёда лэбтіс русской армиясö да русской военнöй искусствосö меряйтны непозян вылынаёдз.

Пётр пыртіс русской военнöй искусствовоö, стратегияö, тактикаö, вооруженнöö, русской армия организуйтöмö уна сэтшöмсö, мый цельки векджын мымда сы кулём бöрын Западной Европаын сё эшö вöлі виль торён.

Пётрлён стратегической планнэз дивитöны асланыс размахён да оригинальностьён. Кöр Россияö пырисö Карл XII-лён „непобедимой“ войскоэз, Пётр I кужис используйтны военнöй действиеэз мунан mestалісь особенностесö, синён не судзётан русской просторресö и, учёт баталияэзён шведдэсö вынтомсöтöм бöрын, эшö генеральнöй сраженнёдз кытшöвтіс Карл XII-лісь армиясö и быдсöн уничтожитіс сiйö.

Пётр эз видзыы просто линейной тактика бердö. Сiя требуйтіс бой понда войскоэзлісь сэтшöм построениё, кытшöм лоö буржыкён эна условиеэзын—кык, куим, нёль линияён. Артиллерия сувтчыліс сэтчö, кытчö ковсис обстановка сьёртi, эта дырни маневрирутісötтаян пехотакёт да конницакёт, мый сiя кадö вöлі вильён.

Наступленнёын Пётр судзётліс исключительной маневренность, вöлі активнойон оборонын и старайтчис чокажык керны против-

никлő удар. Сы понда оборона—наступленнё кежё лўсъётчан способ. Быд военной кампанияны Пётрлён вўлі бура разработанной стратегической план, кёдё сія неуклонной тыртліс врагсо быдсөн разгромитомёдз нето сы капитуляцияйдз.

1708—1709 годдэзся кампанияю Пётр пыртіс Карл XII-бс конечтом русской равнинаэзё, моритіс шведдәсö тшыгйён, вынтомсьётіс „учёт войнаён“, „генеральной баталія“ дыніс ылётчомён, а сыбёрын, кёр ёктіс вын, бўрйис буркад и уничтожитіс врагсо. Полтавской битвын быдсөн пондіс тыдавны Пётрлён военой гений.

Пётр I вўлі активной оборона понда, „кошишис недругсо сы му вылын“, но сія кужис берегитны ассис армиясö, кужис используйты военой действиеэз мунан месталісъ пыдинасö и разгромитны врагсо русской му вылын. Бой кежё Пётр лўсъётчис, кыдз ѡдьён опасной дело кежё, и лўсъётчис ѡдьён тщательнёя. Сэтшом жб осмотрительнёя сія керліс „марш-манёврrez“. Базаэз строитомыс да быдёс коланасö аскадё вайомыс готовитісвойскосö бой кежё, а судзётём победасö энергичной используйтомуыс быдсөн судзётліс успех бой местаын.

1716 годся „воинской устав“, 1722 годся „Дополнительной артикуллэз“ корисё офицеррезеянь „рассужденнё“, кужём применяйтны устав, а не видзыныны сы бердё „кыдз слепой видзсъё стена пёлён, сідз кыдз порядоккез

сэтчии гижёмбесь, а кад да случайез абу". Командирлө коліс действуйтын, „кыдз ен велётас“, и сысянь требуйтісö сообразительность, инициатива да энергия.

Солдаттәзсиянь Пётр тожё требуйтіс сообразительность да инициатива. Велётомыс вölі простой. Пётр I воспитывайтіс солдаттәсö, а эз дрессирийт, зорётіс нын долг, честь да товарищество чувство.

Не отпрысь Пётр мычталіс личной храбрость и, кör коліс, эз жалейт ассис олансо.

„Собственной гений мощён, почти отсottог мёдіккезсиянь, сія судзётіс видзчиcтьом успеххез, и чожа, конечно, ләбтас ассис государствосö могущество степеньёдз, кёда лоас грознöйон соседдээz понда“,—сідз гиjis 1705 годын март месяцö английской представитель Чарльз Витворт статс-секретарь Гарлейлө.

Пётр I-лон военнöй школа вölі аркмётöм русской солдатліс боевой качествөэз зорётöм вылын, русской военнöй опыт основа вылын. Иноземнöйсö, чужойсö Пётр босытліс только сæk, кör тщательноя быдöс видзётас да вежас русской условиеэз съorti. Пётр I эз вöв подражательён. Сія аркмётіс регулярной армия русской оригинальной да самобытной военнöй искусство развитие основа вылын.

И эта армия, кынымкö век съёрна совершенствуйтчикö да развивайтчикö, испытаниёэзлён съёкыт минутаэзö керис и керё Пётрлён военнöй принциппез съorti.

Цена 30 коп.

*На коми-пермяцком
языке*